



Handwritten signature or mark in red ink, appearing as a wavy line.

Handwritten signature or mark in red ink, appearing as a wavy line.

青山集卷第二十五

當塗郭

祥正字功父

七言律詩五十首

劍

不得公孫一舞看空嗟塵漬血痕乾鑄成星斗生光
焰化作龍蛇會屈盤金匣藏時天地靜玉池磨颯雪
霜寒誰爲將相扶明主此物能令社稷安

贈裴泰辰先生

匣劍光鋸射斗牛提携天下洗人讎英雄心膽老猶
在道路風塵行未休名重更須完小節義高何足論

閑愁濛濛細雨陵陽市折取紅梅上酒樓

次韻俞資深承事二首

聯車同入得仙山下瞰重城拍掌間不憤青春添我
老且傾白酒伴君閑三年共佐閩中郡一檄誰招海
上蠻聞說天門新奏樂帝樞佳氣紫回環

春歸漳岸撲晴嵐紫燕黃鸝若縱談自愧不才甘薄
祿喜逢佳客解羸驂仙山有路終難繼海品論珍昔
未諳地勝人醇真可樂夢魂無復憶江南

東湖

東湖北淑水相通十里荷花半白紅冷艷已能消酷

暑暗香時復散清風欲眠別浦無魚艇且倚疎欄學
釣翁雲起仙庭飛晚雨洒然身世出塵籠

圓山謝雨二首

牲牲報祀入圓山赫赫神功拍顧間水滿大田甘雨
足龍歸深澗宿雲閑樂聲自和松聲奏玉色遙瞻酒
色殷安得夢魂陪逸駕更傳仙句落人寰

自挈壺漿歛廟門黃蕉丹荔薦清芬沈煙未過盤中
篆電影已翻江上雲霈澤不惟滋稼穡涼飈仍爲掃
嵐氛圓山信作漳南鎮想戀枇杷玉色醺

和留秀才秋日田舍

物幻非真只自知却尋田舍度衰遲漫爲陶令柴桑
樂不學荆軻易水悲午睡最能消永日一巢長欲寄
深枝聞君亦有逍遙趣可濯滄浪共賦詩

和宣守林子中脩撰列岫亭

蘇州方稱白公才又見宣城謝守來兩處溪山重秀
發一亭風月助徘徊水光颭灩龍鱗活岫影參差鴈
序開不用紅裙唱金縷只題佳句殷春雷

列岫後題

謝公遺句惜湮沈更作新亭一百尋宿靄擁山眉斂
翠夕陽浮水帶橫金黃鸝喚友鳴聲軟白鳥窺魚意

思深看盡物情俱是幻要須携酒數登臨

贈子中脩撰

承明厭直下天來聊繼昭亭小謝才珠迸玉盤詩得
句月騰金浪酒盈盃江城未許民心借京國顛瞻召
節回試問行年俱乙亥固應憐我困蒿萊

子中脩撰壘嶂樓致酒

重山複水碧相連勝地欣逢太守賢欲倒樽壘秋色
裏故邀賓客畫圖邊丹青迥壓王摩詰騷雅仍兼白
樂天莫戀宣城風物美玉堂提取筆如椽

次韻子中脩撰寵贈之作

聲名入洛弟兄傳出擁旌旗老集仙挹月珠璣光射
海凌秋鷗鷺氣橫天文章落筆元無敵器宇藏春豈
有邊一見音容聊莞尔却携樽酒共頽然金門曾奏
相如賦水閣重吟杜牧篇強駕蹇驢追逸驥已知霄
壤不相連

次韻子中脩撰塔院題竹

不是集仙來詠竹更誰能繼紫微吟謂小杜也看隨霜雪終
吾老寄語鋤犁勿見侵欲把一竿垂直釣更須千畝
廣清陰蕭郎妙筆堪圖寫添入蓬萊第幾岑

子中脩撰示書有不得同遊水晶宮之嘆

作唐格四韻寄別

西庵吟醉憶君同忽得新詩思愈工下筆捷才如陣
馬接人和氣似春風斝亭姑孰猶爲遠庾嶺端山更
幾重自歎鷓鴣無健翼追飛不到水晶宮

寄鳳凰山張居士

聞君深隱鳳凰山池水相通竹石間一念報親長不
斷六經傳子勝空閑青猿摘果啼兼嘯白鳥穿雲去
復還自媿塵埃行老矣何時載酒伴酡顏

永安戴公純秀才

鬢鬢鬢髮一衰翁又泊倉頭阻逆風推去未應如謝

令重來終是媿司農熙寧父老知誰在元祐田園喜
再豐置酒高臺要我醉却尋陳跡喜君同

次韻陳思道見送之什

誰聽袁宏夜半吟一時傾蓋便知心疲駑自信難追
驥秀木從來忌出林巧匠傍觀應縮手明珠所得已
盈衿嶺頭孤唱思君和着月梅花似縷金

至萬安寄吉守李獻父大夫

江水成文地最竒風流太守更能詩送將臆盡梅花
怨喚得春回燕子知一餉功勳真夢寐千年名字付
傷悲盛携樽酒頻賡唱幙下高才似牧之

將至五羊先寄穎叔脩撰

句水分携二十年却臨南海望青天元戎爲解陳公
榻下客慚非孺子賢冷艷一枝梅照眼清光五斗酒
盈船朝廷近日無新事只恐西戎尚擾邊

南雄望遠亭本朝章郇公所作公嘗爲郡
太守種荔子二株今方茂實而後人所種
皆不成東美要予致酒亭上爲賦四韻

城角危亭面面開塵侵丞相舊詩牌凌江欲轉鯨魚
活荔子成陰玉樹埋庾嶺乍過無瘴霧長安不見奈
愁懷且傾濁酒承高論秋水何由辨渚涯

凌江立春日呈黎東美太守

斗杓東指幹春回，樂奏昇平助艤雷。
魚躍元無溪面凍，雪光散作嶺頭梅。
主人和氣均千里，北客歸懷寄一杯。
色滿皇州三殿喜，瓊林先放桂花開。

是年龍飛榜

韶州武溪亭

唐格

滔滔武溪一何深，鳥飛莫渡獸莫臨。
山色欲學翠鳳舞，笛聲自作蒼龍吟。
樽罍謾借春力暖，鬢髮未免霜華侵。
形容不上凌煙閣，馬革裹尸那可尋。

六祖南華寺

水轉山來曲曲梯，參差樓殿占清輝。
龍章鳳襲藏天

篆玉索金鈎，賁祖衣春去不知。
庭栢老，月明誰擢釣船歸。
曹溪有路，人人到踏斷玄關，古亦稀。

六祖大湧泉

金鑲一卓透，曹溪禪祖心傳上。
上機流出山腰蒼兕吼，湧開池面碧綃飛。
應同霖雨能蘇旱，莫比滄浪只濯衣。
不願夕陽催我去，要隨幽鳥帶雲歸。

武溪亭勸碩歸聖朝奉酒

邂逅窮荒遇俊才，故將懷抱向君開。
功名未得金橫帶，老大音空驚雪滿腮。
嶺北嘉蔬無此筍，江南相識尚逢梅。
夜闌莫作思鄉夢，且聽清歌更一盃。

雪夜宿月華寺 唐格

大庾南來山更佳每逢古寺留柴車曹溪衣傳葛獠
布月嶺樹種蘋婆花千年不壞物稀有一日寓賞心
無涯北人浪說瘴霧惡行擁貂裘衝雪華

補到難篇終別作八句寄吳聖與長官

結客元和六載春探深碧落迹如新寸量秋色三千
丈名寫嵐光十四人文格迥欺韓愈老字書尤逼小
王真近來好事誰能及我續遺音君可嗔

廣慶寺

寺當南北二禺間合翠 亭名 全清 閣名 總見山一石

尚存垂釣處五羊時載老仙還金流月影真盤谷黛
潑嵐光小劔關安得鵲橋橫絕頂下臨河漢瀉潺潺

次韻彭教授送別

平生愛着五雲裘不愛身為萬戶侯白石清泉隨步
到斷霞殘月滿懷收故園已恨荒三徑皓首何堪困
一州邂逅逢君滄海上涸鱗終欲借洪流

次韻湛判官送別

一朝傾蓋若忘年更把新詩物外傳側望風流還入
幕應憐憔悴未成仙離樽謾託春風裏短檝行依瘴
海邊十斛明珠君不惜珊瑚投擲滿巴牋

次韻廣幙黃承事見寄二首

不記西亭醉別時別來佳句愈瑰奇心隨雲影沉天
角夢逐灘聲到海湄滿目青山誰共樂何年黃卷得
同披遙憐嚴武能爲帥幕下爭傳杜老詩
孤城寂寞瘴嵐州虎竹分符強少留老鈍不知今世
巧行藏猶媿古人脩晴天理釣舩千文紗帽籠頭茗一
甌無奈北歸忘未得非君求友更誰求

石室後遊

七星山色碧離離山下空巖世所稀不獨霧深知豹
隱有時水長見龍歸方床瑩絜仙人座文石縱橫織

女機旋剔蒼苔辨陳迹李邕詞翰亦依稀

寄惠守蘇元之

揮金愛士氣尤雄暫擁旌旗碧海東十八素娥傾皓
月三千佳客倚春風高才可惜經綸晚把酒何時笑
語同霜落草枯應射虎短衣匹馬欲隨公

寄題李封州宅生堂

鱗鱗鴛瓦構新堂意在黔烏惠澤長峴首去思聞墮
淚召南遺愛有甘棠水光送月浮珍席山勢和雲插
畫梁安得才如張相國爲君重賦宅生章

寄題賀州甌山亭

賀州城西丹甑山一亭遙插紫雲間
龍墀讓策名猶在鶴馭凌風去不還
善攷再應來瑞物勝遊安得伴
酖顏元戎詞翰鑄金玉千古長如碧澗潺

次韻宜掾徐子美見寄

去年與子別當塗彼此形骸若夢餘
悵望欲窮千里目相思不寄一行書
青山歸去容身好白眼從來處
世踈桂水東流須入海新詩時復委雙魚

故人李端夫

昂

赴廉州從事石室致酒留

別二首

注地銀潢兩峽開
雲林冰淨不浮灰
新詩欲與何人

論舊友今從上國來
薄酒謾為仙室飲
歸鞍無奈夕陽催
君懷自有驪珠富
合浦休將一顆迴
才如吾子尚區區
羽檄從軍萬里餘
白髮可憐歸計晚
青衫只似拜恩初
一樽邀客非無酒
千卷隨車幸有書
已把窮通推定分
故人達官任情踈

留湯主簿小飲

窮荒得見故人稀
話舊還驚歲月飛
君有兒孫能力學
我無金穀可言歸
靈仙觀裏黃柑熟
采石江頭白蟹肥
北望何時同此樂
暫留行櫂莫相違

送劉光道赴桂幙

氣吐虹蜺髮未皤
進人輒莫嘆蹉跎
邊隅鋒鏑從今少
幕下篇章所得多
雨洗山光浮碧玉
春回江色熨青羅
元戎早晚歸闕
薦禰應先著述科

九日登北樓示客

九日登高可強歡
聽歌莫放玉杯乾
黃花爛漫宜新酒
白髮稀疏落小冠
桂水波光趨海急
峽山嵐翠帶雲寒
故鄉萬里知何處
更凭朱欄向北看

次韻宜掾徐子美見寄

忽逢便翼寄新章
不惜明珠滿斛量
姑熟萬家花映竹
丹湖千頃月和霜
結廬已許陪吟社
衣錦應須返

故鄉底事却言歸
未得夢魂猶欲汎滄浪

次韻陳文思見寄

星灣高會豈能忘
萬丈離愁寸寸量
東閣賦梅攄錦繡
南山射虎凜冰霜
功名未得封千戶
耕鑿何由共一鄉
春蕨秋鱸味偏美
時聽社鼓醉淋浪

寄題羅池廟

種柳江邊不得歸
歿將靈魄寓羅池
名叅韓子猶爲幸
黨入王生最可悲
簾卷瘴雲燈斷續
門荒秋雨菊離披
早穰請禱年年事
瓦鼓巫歌莫一卮
送穎叔待制拜六路都運之命

朝聞紫詔下龍樓夕卷紅旌別海陬六路理財煩侍
從一門傳節繼風流希魯公嘗以待制領發運詩如老杜猶為達策
似劉蕡稍見收廊廟乏材終大用願均和氣及巖幽
予已乞骸將歸舊廬

次韻林辨之長官送別之什

十年相識跡非疎今日江亭嘆別車牢落名聲讒謗
後支離形影瘴氛餘重來仕路誰為援却返家園欲
自如煙浪一舟無長物罷官只似到官初

謝洪府黃安中尚書惠雙泉二首

北風遮莫阻歸舟公有雙泉慰客愁玉斗貯來雲尚

凍金蕉傾處蟻爭浮黃花遙想東籬畔白浪正翻南
浦頭醉魄忽成蝴蝶夢却尋春色到皇州

北風變冷水歸濡南浦扁舟未得行孤鴈叫雲詩膽
碎怒濤舂岸客魂驚誰陪高論應懸榻想有雄詞欲
繪鯨病骨支離難強起尚蒙樽酒慰餘生

青山集卷第二十五

青山集卷第二十六

當塗郭

祥正字功父

七言律詩五十首

次韻黎東美江上偶作

帝庭江國屢相逢不覺霜毛歲月空君奏課書雙闕
下我携輪釣五湖東論歸學海方無迹吟到詩壇始
有功一任北風翻地起且圖樽酒暫時同

吉州仙都觀覽前守李獻父留題

乍出鋒鋟石來仙都忽見五雲開霓幡閃閃排真
馭珠網重重覆絳臺照水碧蓮猶未變遶壇紅杏亦

新栽劉郎去後誰行樂壁上龍蛇半紫苔

貴池寺照遠軒

碧瓦周遭映佛幢更窮眼界敞軒窗山光半擁初生
日天影寬圍不盡江詩思未容秋色亂酒醺能使客
愁降陶潛肯憶東籬菊且倚欄干倒一缸

追和梅侍讀題貴池寺元韻

寺插孤峯壓貴池幽軒占勝敞雙扉陰生廣野千山
失影落空江一鴈歸安得有緣陪社客更尋何處息
塵機南來北去無時盡誰念滄浪可濯衣

寄題呂得中先墳懷先亭

亭壓全閩近塚丘四時營祀想神遊毫添玉兔新成
史德合銀潢不盡流翼翼棟梁橫蜃澤林林松檟冒
霜秋榮名已往餘陰隲定有兒孫萬戶侯

送魏汝士宣德

唐格

隔江爲宰便庭幃歸去青霄結主知租賦寬平民共
樂文書清簡吏常飢始終不變溫如玉離別相憐醉
似泥上國故人應問我爲言耕釣老明時

寄致政蘇子平大夫

十年想見蘇夫子聞說畧金便棄官雲在皖山峯上
住龍歸潛水窟中蟠已無俗念心休洗更有春醪盞

不乾我亦江南專一壑憶君相伴把漁竿

送葉聖叅守九江郡

湓浦夜濤聲動地香爐晴影碧連天樓中不負庾公
賞席上誰爲陶令賢且擁旌旗飛畫鷁行聞臺閣選
青錢班春過我舊遊處門巷桃花應寂然

送琳長老再遊浙東

姑溪不是留君地雪竇天台更一遊玉浪濺雲泉尾
活金盤擎海月華秋將心與客無痕迹問疾何人敢
對酬我把釣竿相憶處蓼花紅影上絲頭

姜希哲四照軒送別

幽軒邀客每凭欄景物蕭然世味閑翠碧濕煙山
匝光明隨夜月回環一盃濁酒超塵外幾首新詩寄
壁間不得從容與君語片帆却欲趁風還

胡與幾被召訪別

已喜乘輶歸玉闕尚能騎馬過柴門離魂有底銷千
丈殘日無多寄一樽得路看君終直節閉關唯我守
空言霜風素髮頻欹帽淚對相伊不可捫

再遊浮山呈玿禪老

當年尋勝已忘還乘興重來倍覺閑赤脚尙瞻新寶
藏白髯羞對舊青山禪翁昔授嶺頭衲狂客今探樹

穴環行把生涯付妻子幻身長寄一崑間

寄題潘温叟林堂

有堂歸去容身好天上人間已遍遊
遠害果能超華左忘情却欲繼雷
劉松臺風送晴空雨荷沼雲生畫
卷秋浩氣本來緣直養百年等是寄浮漚

和倪敦復觀梅三首

聞說觀梅借燭光今宵爲我更開觴
月來枝上冰生艷風過梢頭玉有香
羌笛幾聲傳舊曲菱花一夜照繁粧
坐中老杜凌何遜索酒題詩思欲狂

江月江梅鬪冷光就梅臨月舉瑤觴
素娥未許風搖影

青帝寧容蝶採香迢遞一聲羌笛怨
輕盈千點玉人粧出塵標格情多少
東閣曾令杜甫狂

月壓江梅似雪光史君要我共飛觴
不饒桂樹輪中影獨占霜娥鑑裏香
信報春來先衆卉恨隨人去入殘粧
孔融愛客君能似席上應容處士狂

又同賞落梅二首

江梅千片惜離披更向風前把一卮
冷艷不辭今日舞清香還是隔年期
客經易水忘歸處雲倚巫山欲散時
安得不吟仍不飲滿頭華髮擬何爲

誰惜東園玉樹空且携樽酒與君同
盈盈素艷辭寒

卷二十一
夢浥浥餘香散曉風已許冰霜分我瑩儘饒桃杏向
人紅能詩自有倪夫子何必滁陽覓醉翁

題方處士卷尾

子陵獨往已千年處士重來把一竿治亂不同非我
計文章聊許後人看璞中美玉誰雕琢潭底神龍會
屈盤七世有孫方遇主風流長在瀉驚湍

題謝氏雙溪閣

謝家山下雙溪閣水遠山深夏亦涼霜練兩條初合
影菱花一鑑瀉餘光樽壘日日邀賓客倉廩年年富
稻梁更約諸孫勤問學桂科將見綠衣郎

重陽懷歷陽孫公素太守

重陽應與客登臨隔水無緣預盃簪濁瓦撥醅初泛
蟻佳人纖手鬪接金南來縱有雞山賞北望頻興魏
闕心安得快風吹我去勇提椽筆伴君吟

公素送酒見及復次前韻和荅

摻別城東秋未深相思白髮已盈簪遠分酒味須頽
玉正是秋香欲散金潤澤生民公有志浮沈末路我
無心扁舟明發穿南斗聊學滄浪漁父吟

送賈明叔侍御守宣

直節忠言久不聞堂堂今見賈生孫老姦去位朝廷

正聖母憐才德業尊句水曉光塵不染
斫山秋色玉無痕
北樓把酒頻邀客
紫詔傳呼下國門

次韻昭掾徐子羨見寄二首

居巷雖窮愧彼顏
門無車馬任苔斑
冰將合沼光容淨
鳥不窺魚意思閑
蹤跡來唯夢
往音郵漫去得詩還
浮生七十今六十
早晚歸飛尋舊山

侵侵白髮改朱顏
不比當年鬢始斑
五斗可憐須苟祿
一巖猶喜早偷閑
黃花籬下千枝秀
紫鴈雲中幾度還
萬里未歸歸便得
昭州何似謝家山

題金陵白鷺亭呈府公安中尚書二首

青城突兀與雲連
誰作高亭落日邊
六代衣冠歸寂寞
一番羅綺自華鮮
低徊斗柄斟秋水
飛舞蘆花欲雪天
直上煙霄無赤五
欲要王母對賓筵

西望長安路幾千
此亭更在賞心邊
黃蘆正耐風霜老
白鷺相將羽翼鮮
城竦鰲身山匝地
舟排笋柱水連天
龍吟一曲斜陽下
况是史君開別筵

次韻安中尚書鍾阜軒

鍾山鱗鬣奮晴雷
觀裏幽軒選勝開
江水北流朝海去
斗杓東轉斡春回
已將白雪傳龍笛
何用黃金築隗臺
寶塔中天掛刀赤
層層鴛瓦不浮灰

送錢朝請還臺

銓選相逢弱冠前，竹符分得各皤然。
開樽且喜君尤健，問舍應輸我最先。
北上有心思報國，南來無物載歸船。
冰清世澤源流大，須享人間五福全。

蕪陰北寺檜軒

青幢碧蓋儼天成，濕翠濛濛滴畫楹。
禪客自陪千歲老，遊人時把一樽傾。
耻隨桃李春風短，奪盡松篁夜氣清。
安得鬼仙提巨筆，不容左細獨傳名。

明叔致酒壘嶂樓

陵陽峯頂敞欄干，三伏登臨冰骨寒。
山卷宿雲開紫

府水和明月，瀉金湍謝公風味君能似。
李白篇章我到難，幸有玉船騰酒浪。
欲乘醉興効鵬搏。

次韻鄒幾聖舟次蕪江見寄

東風冉冉送年華，末路浮沈豈足嗟。
身着朱衣行直道，手披黃卷悟空花。
世塵擾擾元無實，客宦悠悠役有涯。
尚喜甘棠遺愛在，畫船先許過漁家。

寄題歷陽王純甫新作連雲觀二首

久持使節別堯天，故起朱樓北斗邊。
勢壓江淮盤地厚，影分吳楚與雲連。
一聲奏笛龍蛇曉，八法書牌劍戟懸。
更借湓城庾家月，芟除桂樹照樽前。

聞道連雲絕世無，急飛輕擢看規模。
簾鉤低掛半輪月，江岸平分千里圖。
颭颭金船流玉液，森森珠履踏冰壺。
高材自是明堂柱，試作斯樓雄楚都。

送黃奉議知白州前宰清遠

看君新作海邊樓，氣象雄兼四五州。
把筆共題紅粉壁，開罇仍泛玉蟾秋。
喜分符竹臨千里，莫羨魚蓑退一丘。
此別定爲生死隔，雪霜霑盡暮年頭。

次韻朱世昌察院登鍾山

盤龍首尾壓西東，寶塔稜層位正中。
萬古林泉流王氣，六朝冠蓋入悲風。
煙生城郭塵昏盡，月滿沙汀雪

映空。回首臨川埋骨處，後來經緯付諸公。

次韻荅光守楊公濟見寄

一別成都楊子雲，夢魂飛斷每沾巾。
金門賦奏龍蛇曉，原廟詩成錦繡春。
顧我漫爲長醉客，非君誰是廣騷人。
榮分符竹歸無路，盛送佳篇慰病身。

病中先寄慎宰閣公達承議

松檟相望孰俊名，高才暫屈浚洳城。
公庭寂寂無留訟，田野熙熙有讓耕。
未作鹽梅調鼎鼎，且鏗金玉直蓬瀛。
病骸尚阻趨東閣，懷抱思君爲一傾。

陪朱行中龍圖飲澄惠院二首

寒煙淡日滿滄洲臺榭相通一徑幽志欲吞吳嗟隔
水力能成魏密藏舟帑牕趁曉開黃卷蒲葉涵春付
白鷗千載廢興何可問一樽濁酒更遲留
島嶼回環水遶堤碧蘆青荇密相依凌風戰艦知何
處落日遊人尚未歸細細佛香時入坐雙雙沙鳥靜
忘機史君自是蓬萊客倚遍欄干戀翠微

再見吳淵卿長官時年八十一

十七年前載酒過重來携手喜如何壽齊八十君方
健恩及妻兒我已多對檻殘花猶可賞隔簾小妓且
頻歌人間事了無憂患頭上光陰任擲梭

淵卿席上和李天貺四韻時與鍾離中散
并予共四人

悠悠歲月走驚湍四十三時便棄官坐上得陪諸老
醉樽前須盡一生歡花含餘恨春將去棊筭成功局
未殘欲向金城傳盛事新詩聊代畫圖看

次韻行中龍圖遊後浦六首

密竹疎松鬪老蒼驚飛白鳥不成雙樓船飄忽隨朝
電佛炬青熒徹夜窓携酒且來尋島嶼投竿那用憶
湖江君看雨過鋪晴練得句須令小謝降
每欲收吳勢未任遶城鑿浦迹堪尋不知戰罷樓船

散空見春歸荇菜深一坐清風吹往事四筵白酒洗煩襟公提掾筆詩無敵未必張遼善醉吟

細柳高松綠映蒼深沈臺榭晚生涼沙邊宿鷺昏昏白草際流螢點點光投網舟移牽碧荇採蓮人去濕紅裳欲追逸調嗟何及雨入盃盤歸興忙

巨鎮還須濟世才要賓覽古笑談開蜀山迥出千螺秀肥水長縈一帶迴猶有金城藏後浦不唯銅雀起高臺異時爭戰歸何處秋鴈年年去復來

錦櫂飛飛畫舫迎焚香夾道看雙旌佳賓談笑民同樂善政循良鳥不驚花島可憐春自媚柳洲遙覺月

微明史君一飲詩千句擲地渾如金玉聲

冠帶淮西第一州揚鞭得從史君遊木魚聲斷東臺曉水荇香傳後浦秋雙脊自磨銅雀瓦密雲時汎建溪甌才清思健知無敵且與衰殘作廕麻

次韻行中龍圖思宣城

公愛宣城心不休當年應夢似崔侯兩條溪水橫穿市十里昭山半在州小杜一時誇俊逸玄暉千載擅風流青氈舊物雖勤請金馬新恩定再留

寄題玉筍觀兼簡道正求逐馬草草名逐馬謂服之久則可以行逐良馬

仙梁飛去有遺壇
融結工夫玉未乾
一片碧煙鸞舞
破數枝紅蕊
鹿銜殘雨經梅澗
芝田熟路入蕭家
月屋寒晚景自怜行六十
欲求逐馬問黃冠

青山集卷第二十六

青山集卷第二十七

當塗郭

祥正字功父

七言律詩二十四首
絕句六十首

端門肆赦

藹藹端門紫氣濃
卷簾蘭麝散和風
星環帝座天澄
碧繖映龍顏
日透紅寶扇
參差移仗裏
金雞綽約下
雲中恩覃草木先
春力萬歲歡聲闔國同

王平甫下第南歸

一番黃紙集群材
南國儒英起草萊
至寶不逢知己
鑒束書重見下天來
壯心肯向明時屈
孤憤須臨濁

酒開許有新詩令我聽
夜堂還使鬼神哀

贈歷溪張居士

七十人稀九十翁
數椽寒屋歷溪東
俯窺聲利非吾事
自得逍遙與古同
三疊琴心調夜月
一盃茗酌送春風
趨庭有子明詩禮
善澤源源未可窮

題濮陽氏新閣

宅據中洲四望寬
隔江山勢舞青鸞
山岵崑更起千尋閣
汗漫平吞萬里湍
傳業有兒須折桂
開樽留客共彈冠
霜消冰泮春將暖
魏闕遙瞻獨倚欄

代先書奉迎廬帥元輿待制

倦提椽筆厭承明
帝與兵符帥十城
簫鼓裂衣雲迎五馬
山川收雨引雙旌
藏舟浦暖魚頻躍
教弩臺空鴈不驚
入境觀風先可喜
秋田高下熟香秔

許氏樂隱亭

曲水浮基竹遶簷
月華初度晚涼添
羽觴灑灑荷敷綠
象箸_未林森筍迸尖
白眼傲時饒阮籍
素琴調曲慕陶潛
城居樂隱能如此
中散風流友弟兼

重題嚴伯成秀才西齋喜其子高預鄉薦
賦似相如不遇知
喜聞鄉版薦麟兒
容身安穩書盈篋
與客翺翔酒滿卮
夜月影搖楊柳徑
秋風香散菊花

籬竇家千載

美一樹靈椿桂五枝

劉交待禁書報王君安鐸改官監懷州武
德鎮以詩喜之

自得劉郎音信通遂聞增秩喜無窮江東子弟誰怜
我洛下文章只有公形影蕭條千里外交遊零落百
年中

韓滕鄭李并予與君安
皆皇祐中京口口友

何當老境重相遇不話風流話

苦空

雪中招徐子美秘校飲二首

冰斯合硯漫書空密雪飄餘曉色通萬里雲光同浩
蕩四邊山影隔溟濛明明月窟迷驚兔陣陣桑林叫

朔風不惜金龜將貫酒欲招南郭苦寒翁

霏霏皓雪翳長空南郭緣何有徑通訪戴船歸清興
逸姓素人卧冷光濛欲傾樽俎延高蓋忽得篇章邁
古風四十年前除夜樂如今相對兩衰翁

史君梁奉議送客至高明軒爲予言登覽
之勝作四韻戲寄

史君送客陟高臺天宇澄清四望開一字橫空霜相鴈
去兩眉分碧楚江來廟堂孰是調羹手郡國猶淹濟
世才新酒正香鱸蟹美籃輿何日許重陪

次韻徐子美見懷兼簡湯君材

闊別天涯每愴然相思只欲學飛仙君承文辟專民
事我慕高風謝世緣南郭不辭三徑遠子美家東山長
與五雲連君村家會須載酒勤相過齒髮蕭條各暮年

將至壽州先寄知府龍圖二首

感公招我欲論詩故歲新年頗後期冰塞大江舟渡
晚雪迷官道馬行遲深深畫戟雙開處淺淺梅花半
綻時北闕除書應已到願陪祖帳捧瓊卮

短帽輕衫信馬蹄只愁吟杜爽襟期曉回谷口禽聲
軟寒東梅梢春思遲幸挹清標憐野逸肯將孤憤累
明時聽公高論何由盡應比醞醑灌漏卮

采石江邊寂寞歸壽陽重到信前期聞韶忘味寧非
羨傾蓋論交已恨遲白鳳文章元出衆青雲歧路合
逢時杏花正怯清明雨強欲留連更一卮

置酒壽陽樓呈主公龍圖二首

珠履繽紛宴壽陽欄干橫出白雲傍清淮倒影長橋
活古壘無春峽石荒小艇鬪垂凹鼻釣佳人猶學曉
梅粧史君筆力今誰敵麗白須盈古錦囊

置酒南樓瞰夕陽逶迤淮影轉城傍畫殘數幅山川
舊棊散一枰洲渚荒細柳倚風相竝舞飛梅着地不
成粧坐中佳句誰先就我欲窺公倒智囊

置酒西樓呈主公龍圖

新樓與客一凭欄眼界方驚阿堵寬
峽石倚天開玉壘清淮浮日洗金丸
少陵才力吟非易摩詰工夫畫亦難
向晚西風吹坐急欲憑鴻鵠借脩翰

置酒思禹亭呈主公龍圖

小亭危瞰二峯尖禹迹千年氣象炎
浪濺日華金沸鼎雲收山色鏡開奩
持杙選勝吟誰敵與客忘形德愈謙
淺量爲公甘醉倒扶頭准擬病厭厭

別行中龍圖

要登畫戟發江南千里春泥倦亦甘
力探禹工觀駭浪却尋佛迹宴園庵
欲陳舊學子羞茅塞喜聽新詩縱酒酣
歸去憶公勞夢想冷猿幽鳥語相參

送廬倅趙習之朝奉還臺

洛陽名譽弟兄兼霧拂青天幸一瞻
善政及瓜民惜去美材如玉士稱淹
風搖洲浪應須避馬濺春泥不用嫌
公捨舟登陸以避巢湖之險聞說朝廷圖舊德姓名交奏動宸嚴

聞宣州王左丞被君還闕擬送

熙寧治蹟儼如新聖主今朝用舊臣
松冒秋霜方見節玉經爐炭始知真
具瞻盡喜周公入論道誰先孟子醇
試作雲霖蘇早曠西疆猶有未來人

送王左丞移鎮金陵

千艘飛櫓入淮灣竹馬爭迎舊神還斗酒未頒諸邑
下旌旗先謁兩山間武侯暫足擁元戎節裴度須歸上
宰班精義入神遺像在載瞻賞庶淚重潛

題史君梁正叔浩然堂

養浩深思孟氏醇一堂窓戶更清新篆香未過日停
午蟻酒初浮鸞弄春枉尺直尋非我欲仁民愛物任
吾真三年課績書優最此地誰來繼後塵

次韻和孔周翰侍郎洪州絕句十首

誰知北客與春期乍見山桃一两枝却憶洛陽行樂

處賣花天氣晚晴時

漁舫歸盡晚江空只有楊花冑細風多少春愁與春

恨爲君都付酒盃中

樓居且欲趁虛涼九月江風未變霜強把一樽開醉
眼長安不見又殘陽

寸心無事自然灰不是南柯一夢迴水畔小樓無客
到獨携乃筇杖等閑來

行行杭揚柳古牆陰擺盡春風綠轉深俯仰自能無
一事何須投迹向山林

江雲凝雨疾風過陣馬爭回萬疊波平地看時真一

笑鵬騰鰲倒欲如何
爲問荷華能白紅
東湖遙想鑑湖同
金龜換酒要桂
客歸擢須乘月下風
不到天門未肯回
重山復嶺一時開
仙風挂露爭飄
洒襟袖都無世俗埃
可憐一雨洗焦枯
卷盡浮雲日上初
獨倚高樓聊寫
望骨清神爽欲凌虛

東湖入望晚波平
蒲葉圓荷各自青
不用更尋徐孺
宅編茅楮竹一碑亭

金陵

洗盡青春初變晴
曉光微散淡煙橫
謝家池上無多
景只有黃鸝一兩聲

漁者

從來生計託魚蝦
賣得青錢付酒家
一醉不知波浪
險却垂長釣入蘆花

琅琊道中

山頭臘雪未全消
山下春泉響石橋
方丈不知深幾
許馬行時有冷香飄

懷文忠公

平生最愛醉翁詩
遊遍琅琊想醉時
一代風流隨手

盡谷泉巖鳥不勝悲

日公綠蘿庵

一庵春靜綠蘿舒
拂拂香風宴坐餘
只恐乘雲滄海去
未應池水老鯨魚

示秦暨二首

憂來何物可銷除
幸與秦暨校局圖
白黑勢成分勝負
不知柯爛得歸無
門臨池水靜無風
綠樹陰陰小徑通
時有秦生來過我
一枰成敗漫論功

和松長老龍井

龍蟠井底待風雷
誰謂無功洗旱埃
昨夜山前行雨足
收藏頭角復歸來

再至汀州倅宅南樓二首

一歲登樓只欲歸
得歸人事信難知
重來跨馬三千里
樓上春風爲我悲

樓外青山似故人
雨餘山色靜無塵
青山依舊人還老
一片離愁掛晚春

聞笛

何處佳人玉笛吹
春風已過落梅時
行雲不動殘陽下
歡樂悲愁各自知

再登南樓懷元輿三首

欲上層樓足力微，世情塵事老方知。
離騷一曲何人會，空使瀟湘鬼物悲。

憂患欣逢賢故人，南樓解榻振衣塵。
赤壺頻送兵厨酒，滿酌能回老病春。

朽株難倚暖風吹，一日萌芽亦有時。
試上高樓南北望，無私春力少人知。

書陶弘景傳後

能辭朝市隱山中，愛種青松聽好風。
不學許由長洗耳，謬爲圖讖悅蕭公。

次韻元輿十絕

睡起

睡覺紗厨酒尚醺，老來詩句怯題春。
冥搜一夜添華髮，不認青銅鑑裏人。

種竹二首

旋斲墻根數十尋，琅玕移種碧林林。
何須待得鸞鳳食，且欲炎天布好陰。

龍角犀尖一夜長，爲憐剛節不須香。
它時截作鯨鼈釣，豈止濃陰覆女墻。

春歸四首

九十日春今日歸丁寧鶯蝶莫相疑明年信到梅梢
早不似人心有改時

斷送春歸海水邊淡煙輕吹半晴天東皇若問人間
事爲報君王壽萬年

青春歸去豈無情分付朱明事已成爲向殘年問消
息再吹陽律到枯莖

誰道青春去未回我疑長在黃金盃只嫌花片隨流
水蕩漾無情喚不來

荅省師詩卷

手携詩卷屢相過要把青銅垢盡磨言說從來無

實義更尋佳句欲如何

休師携茶相過二首

世情彈指旋成塵物外論文只與君試揀松陰投石
坐一盃分我建溪雲

晚風吹坐忽生涼旋碾新茶與客嘗我本無心無所

證沈煙何事結圓光

坐中香煙結成圓相
故青黃白三色寶光

寄李伯華法曹

同異從來勢所分感君憐我屢過門西風掃盡林間
瘴更欲相要倒一樽

食紫萸赤鱗示王博士二首

辭家倏忽已殘年身世今爲海上仙
飽食紫萸香味美不知歸路隔三千
西湖寄榻絕逢迎唯只雲山似有情
底事却忘遷謫恨江南無此赤鯿羹

和休師見懷二首

幽棲新卜野僧隣憔悴誰憐舊史君
幸有松聲吹驟雨可須歌響過行雲

細路沿崖過女牆壓枝黃橘旋分嘗
林間可樂無如此更問常娥借月光

李伯華見過小飲二首

伴我林間倒一樽西湖紫翠變黃昏
鳥還深樹魚依藻客散樽空亦閉門

感君飛蓋過雲林濁酒沽來取次斟
冠幘欹斜傾醉耳水聲松響洗塵心

陳老父携茶見訪因留小飲二首

有兒不娶似龐公香火傳家悟性空
父子相扶俱白髮人間能有幾人同

憐我非辜掛網羅手携筇杖數相過
一杯得伴仙翁醉讒喙雖長柰我何

病中寄休師三首

南漳佛子素多聞穎秀從來更出群無量寶臺師
化坐一盃香飯我求分
元無一物不須空寄語文殊任過從展轉形骸聊示
疾坐分高廣頗相容
僧窻寄榻斷來車一飯供盤只野蔬癘鬼見侵寧
有智我今皮骨已無餘

所居

營居未就借僧居貝冢翻尋頗食蔬獨步青苔人
散後旋收红柿鳥分餘

休師惠雪筍

雪竹生芽玉一簪北人此味豈嘗諳病中得食勝牛
乳行矣阿難師勿慙

謝阮幾聖惠大蠟

感君風誼我何堪問遺時時過草庵今歲未知霜蠟
美一食還似到江南

津梁方丈

轉山樓閣路相通屢得分經丈室中六入循元無重
濁三緣故斷出樊籠

月下懷廣勝華師

下方遙憶上方僧素月青林隔幾層鐘磬聲沉香

篆熄只應詩思冷如冰

題華師院壁

避后營居得近僧唯師更住最高層
半甌香茗浮春雪一飯寒蔬帶曉冰

全師惠詩

十里湖山紫翠秋師居獨占一巖幽
談經已許分吾坐更有新詩索獻酬

百歲王姥自云平生未嘗服藥

不服丹砂不養真老來天與健精神
自怜五十頭垂雪始見人間百歲人

酒海吾飲器也

紅浪滔天玉海春方壺有路可藏真
長鯨一吸桑田變知是人間幾歲人

寄陳顯仁秀才二首

君家大阮最能詩又見麟孫出盛時
筆力縱橫驅陣馬成才不患少人知

自怜破甌已無堪况復經年卧瘴巖
忽得新詩慰牢落却疑仙露洒塵衫

君儀惠玳瑁冠犀簪并分泉守茶六餅

玳瑁裁冠犀作簪正宜蕭散野人心
從今頂戴拋烏

帽一任秋霜兩鬢侵
分送泉州太守茶團團紫餅社前芽從今不復憂煩
渴時取甘泉煮雪華

青山集卷第二十七

青山集卷第二十八

當塗郭 祥正字功父

七言絕句一百首

寄王丞相荆公

謝公投老宅鍾山門外江潮去復還欲買扁舟都載
月一身和影伴公閑

荆公和荅

且欲相要卧看山扁舟自可送君還留連城郭今如
此知復何時伴我閑

東坡荆公作

南蕩東陂水漸多
陌頭車馬斷經過
鍾山未放朝雲散
柰此黃梅細雨何

次韻和上荆公

溝水回環蓮子多
小橋時有野禽過
移舫更近東陂去
舟舟黃塵柰我何

原武按堤雜詩六首

隄防興作幾時休
自笑羸驂不少留
身與春風來鄭國
心隨汴水到揚州
無功便合歸耕去
有命寧煩枉道求
白日西沉更回首
問人何處是重樓

原武城西看杏花
紛紛紅雪委黃沙
何如姑熟溪頭

見照水蒙煙小謝家

黃塵蔽日晚風高
兩目昏昏花客思
勞却憶江南漁父
樂河鮪入網采萋蒿

聖賢君相繼
虞唐問罪戎夷復
故疆不得一軍提
將印漫來淤地閱
隄防

白駒馳隙鬚毛斑
簿領紛紛世愈難
安得一軍提將印
橫行西域斬樓蘭

雲溶溶風習習
桃花露點燕脂濕
青春歸盡人未歸
原武岡頭時獨立

書景德寺刑法試官題名後

刑場訖事欲分携猶有殘花戀故枝更遶庭陰行數
匝九人重到定難期

君儀惠莆田陳紫荔乾即蔡君謨謂之老
楊妃者二首

莆田乾荔老楊妃誰在開元得見之却憶沉香亭北
畔輕紅曾照赭黃衣

杜甫云輕
紅擘荔枝

紅綃皮皺核丁香日曝風凝玉露漿不向海邊爲逐
客長安無此荔枝嘗

崇因老禪詮公携詩見訪

禪定安詳元契佛年華八十尚能詩何人斷臂來求

法庭柏蕭蕭度歲時

安止同登王園葆光閣二首

清風吹坐冷蕭蕭更有南溪透海潮白酒一樽須酪
酏荔枝紅映碧芽蕉

海潮溪鷺絕纖塵酒浪燈花自在春醒眼莫嫌長醉
客回頭俱是幻泡身

安止食素
不飲酒

訪林居士

門無車馬綠生苔今日軒窓爲我開邂逅同爲方外
客得携筇杖等閑來

和安止登山

鬢髮鬢鬢一幅巾可將身世等浮雲人間禍患無如
我物外逍遙只有君

白蓮日師北軒

家風清白世相傳自小能吟晚好禪瀟洒一軒無長
物荔枝茶品寫遺篇

齊公長老卧雲軒二首

雲本無心師亦閑閑身聊卧白雲間白雲不滅身長
在時往香臺請供還
安詳禪定悟塵勞放去收來沒一毫門掩白雲聊晝
卧世間言說付兒曹

秀公見喜飯僧二首

百年光景逐飛螢會脫塵勞只有僧一飯聊爲清淨
樂福田求報我何能
審觀六入本來空覺海迷波理亦同滿鉢香杭聊共
飽此緣不落有爲中

國清院

深深樓殿妙峯攢竹露松風夏亦寒莫道西湖近乾
淺此中曾有老龍蟠

送李伯華

患難相親似子稀倏然分手重傷悲官閑肯憶西湖

上淡月寒梅只自知

送吳山人二首

邂逅相逢瘴海頭
白雲黃菊漫遲留
它年江浙能尋我
我多在蘆花擬釣舟
生死波中止一漚
離家失子已忘憂
只思北苑春芽熟
安得騎鯨逐俊遊

阮師曰希聖徹垣開軒而東湖仙亭射的
諸山如在掌上予爲之名曰新軒蓋取景
物變態新新無窮之義賦十絕句

群山高下浸湖濶
暝靄朝霞物物新
驛道更穿東北

去青銅影裏看行人

東湖水似鑑湖明
紅白荷花自在生
只有香風吹客座
更無煩暑到簷楹

軒窓得地向湖開
要客登臨共一盃
白鳥探魚長不去
清風吹水等閑來

一軒正在碧湖傍
蓮子枯時荇菜香
最愛夜深鷗鷺散
釣舫明月似瀟湘

湖外青山案几橫
卷簾幽坐少逢迎
一鉤香餌看魚上
萬頃金波待月生

一湖綠水當窓淨
百里青山卷箔開
只恐夕陽催客

去不嫌幽鳥趁人來

一炷沉煙一案書憐君重葺紫霞居溪山朝暮能
新羨世慮塵緣併掃除

鋤去蒿萊地勢平開軒蕭洒瞰東城湖山變盡朝昏
景只欠青猿一兩聲

誰知城郭有山林選勝營居遣壯心一片遠煙添暮
色數聲歸鳥變春音

仙庭射的鬪崔嵬紫翠飄飄落酒盃更待春陰須一
往要看雷雨過湖來

次韻安止春詞十首

尋春行過古城東春氣先從海角通池草怯霜拳嫩
綠山桃迎日展新紅

池塘新水碧泱泱楊柳牽風綠線長已信形骸隨野
馬不思功業到巖廊

一聽春聲只自悲山山相應鷓鴣啼却尋花鳥看花
處水上紅雲數片低

一杯濁酒覽春光人世紛紛任短長細草自勻新歲
綠落梅猶散去年香

雲影暮時鶯語低花枝深處蝶魂迷青樓不遠要佳
客錦纜牽船更向西

草色葱蒼遍塚丘花枝紅白倚城頭憑誰喚取王摩詰畫出傷春一段愁

茸茸綠芷香先吐點點緋桃萼半敷却憶江南江水滿一條晴練接天鋪

數行徙倚迎風柳幾樹參差照水花最惜去年梁上燕會隨春色到貧家

青春又送一年來不道春霜兩鬢催春淺春深春自老且將懷抱向春開

花間遊女鬪明粧馬上誰憐白首郎社叟從今歌擊壤詩人不用嘆繁霜

又和

關關禽語弄輕風泱泱田流上下通行過小橋穿竹塢山花時見一枝紅

無數幽花覆水香一條輕素引煙長客情春恨都諳盡把筆題詩獨遶廊

新鶯求友出林飛穀穀催耕着處啼野渡無人芳草碧前山欲雨暮雲低

斜日會扶嵐氣暖好風能送笛聲長倦投芳草人人醉流出殘花澗澗香

花枝自倚青春笑客恨須憑濁酒迷望斷夕陽無問

卷二十一
七
處只今應照故園西

春事須臾不可留花枝爭上少年頭欲乘舴艋凌波
去何處佳人似莫愁

花笑鶯啼酒可沽山光水影淡煙敷垂楊欲礙春歸
路更放輕綿匝地鋪

營巢新燕驚垂幙採藥嬌蜂避落花着處風光濃似
酒行人何事苦思家

尋春眷眷惜春回四序相新一氣催桃李無言貧結
子野棠開淡爲誰開

盈筐鬪草紅裙女驪袖看毬白面郎歸去不嫌清夜

冷李花枝上月凝霜

訪隱者

一徑泂崖踏蒼壁半塢寒雲抱泉石山翁酒熟不出
門殘花滿地無行跡

題蘇紫霞選仙集後二首

六博成書意在仙每要佳客造玄天不由功行渾由
彩一局升沈亦偶然

知君本是紫霞仙夢入瑤池泛酒船功行已成真馭
遠却嗟塵世閱遺篇

謝陳昌國惠酒二首

平生愛酒養天真醉眼聊爲混俗人
玉斗貯來紅浪溢感君添我海中春

欲瀉瓊漿洗我憂玉壺分送不知休
醉來一覺還鄉夢看盡江南二十州

半漳亭

飛簷赤白壓層丘見盡漳南一半州
倦步且來消午暑穿雲此去徹鰲頭

城東延福禪院避暑五首

榕陰缺處見西山步遍墻陰落照間
誰信史君無一事只知終日與僧閑

暑雨霏微濕翠嵐共投蕭寺解塵驂
黃梁初熟鱖羹美美恰稱嵇家七不堪

急手輕調北苑茶未收雲霧乳成花
靈襟習習清風起歸夢遙知不到家

碧玉枝柯柑橘林開花結子未成金
何當爛熟經霜露更約提壺一訪尋

隔澗人家通小橋家家沽酒可相邀
深沉榕葉遮煩日浩蕩風頭駕晚潮

荔枝二首

枝條相軋碧雲濃襯出驪珠落照中
未說甘香消酷

熱且看纖手擘輕紅

暑館風沈睡眠醒荔枝新熟暗香生玉纖爲剥紅綃
顆甘露初凝濕水晶

寄資深承事行營二首

縱橫才略領千兵鷓鴣群飛戰艦輕海浪掀天須破
賊始知名將是儒生

黃梅欲落雨霏霏想過重岡濕戰衣破賊有期先
可喜裂雲簫鼓待君歸

淨惠寺清軒二首

枯筇壞衲老清時萬事紛紛久不知隔屋荷香消午

暑紅薇花影在深池

一軒蕭洒靜無塵萬柄荷華別是春莫道南州無比
客壁間猶對洛陽人

七夕不飲

明河初月靜涓涓樓閣簾開鬪管絃不飲一樽當此
夕我心於巧久無緣

和子中脩撰石盆題壁二首

沉沉石室亂雲間萬事都忘只有閑暫輟玉堂揮翰
手一時吟遍謝家山

青山重複路逶迤雖近州城俗客稀只有史君頻得

句時時吟袖帶雲歸

和子中忘歸軒

忘歸歸去盡強名山鳥山花任送迎未信史君長戀
此馬頭將逐詔書行

和子中脩撰石盆轉輪藏

棲函藏軸一輪中種種難名寶網叢莫道石盆無大
地只今成就聖王宮

弔聖俞墳

平生懷抱只君知想見音容涕泗垂宅舍已荒兒女
散孤墳秋草自離離

太平天慶觀題壁五首

縹緲朱樓浮絳煙瀰漫碧酒汎金舩瓊花滿樹春長
在知是人間換幾年

琳宮緩步獨移時世事紛紛不復知且看滿庭松上
雨碧瑤幢節覆青絲

一枰碁散復持盃却遶長廊步懶回且看滿庭松下
月斷金斜玉間蒼苔

風吹雲雨霽入門松檜香何處有煩暑心官自清涼
聽君彈別鶴別鶴怨離索何以動乾坤六月秋霜落

九日蓬萊亭周彥達節推酌發

萬里行人辭故鄉登高回首更重陽
黃花折盡碧雲晚未聽離歌先斷腸

永安榮仲謀祕校訪別三首

感君隨月跨征鞍來訪熙寧舊
長官莫訝髭鬚渾雪白哭兒清淚不曾乾
相逢投老愈情深不獨開懷又吐心
更上高臺同一醉十年陳迹漫追尋

行義都無一點瑕詩書滿腹貯英華
老來方得青衫着便近廬山五柳家

榮授彭澤簿

達觀臺黃魯直名之二首

戴氏山頭一席平集仙椽筆寫臺名
長江自與天爲鏡不用風雲變晦明
高臺千尺俯江干達觀寧論眼界寬
但見青山圍遠水不知何處是長安

靖節真像乃庸畫思得伯時白之遂以一絕
寄簡

古帳蕭蕭畫不真空祠猶與狄公隣
憑君妙手重圖白不是尋常行路人

老杜云屢白尋常行路人

招德觀見老道士李如海年八十六矣

棄官歸去又重來三十三年幾人在
玉虹橫截碧雲

溪不見騰空見如海

與吳子正言懷

山南山北屢相逢年少今成二老翁
不向煙霄共飛舞且來傾倒玉瓶空

承天院清輝閣

一軒誰與寫清輝地近城闈却少知
只待中秋深夜看玉蟾低蘸碧琉璃

丁卯十月十日遊開先瀑布絕流

山源久涸旱塵飄想見潺湲瀉石橋
只道海風吹不斷爲誰收起玉鮫綃

寄吉守李獻父二首

半月樽罍爲我開琵琶圍座靜雷船
頭一轉如天上猶有新聲入夢來
昭亭交舊半存亡只有君家近我鄉
終約月明槌鼓過賀公須愛李生狂

次芙蓉渡和穎叔脩撰舊題

綽約芙蓉照碧湍紅綃衫薄不勝寒
吹香洗露情多少只得元戎一餉看

次南安驛和穎叔脩撰舊題

南來匹馬厭紅塵喜見梅花似玉人
都爲嶺頭無

臘雪故教六出占先春

青山集卷第二十八



